

Na osnovu člana 38. i člana 118. Statuta Općine Hadžići („Službene novine Kantona Sarajevo“, broj: 15/09, 17/12, 10/13, 14/13-ispravka, 11/18 i 1/20, i Odluke o izvršenju budžeta Općine Hadžići, broj: 01-02-3247/21 od 25.03.2021. godine, Općinski načelnik donosi

PRAVILNIK
O USLOVIMA, KRITERIJIMA I NAČINU RASPODJELE NOVČANIH SREDSTAVA
ZA SUFINANSIRANJE TROŠKOVA MEDICINSKI POTPOMOGNUTE OPLODNJE

Član 1.

Ovim Pravilnikom uređuju se uslovi, kriteriji i način ostvarivanja prava na dodjelu jednokratne novčane pomoći za sufinansiranje troškova pružanja medicinskih usluga potpomognute oplodnje (u daljem tekstu: jednokratne pomoći), ženama bez djece koje su u bračnoj ili vanbračnoj zajednici sa područja Općine Hadžići.

Član 2.

Sredstva utvrđena na ekonomskom kodu 614200-grant pomoć stanovništvu raspoređuje Općinski načelnik odlukom na prijedlog Službe za boračko-invalidsku, socijalnu i zdravstvenu zaštitu, izbjegla i raseljena lica Općine Hadžići (u daljem tekstu: Služba) u skladu sa utvrđenim kriterijima, a na osnovu podnesenih zahtjeva putem protokola Općine Hadžići.

Član 3.

Kriteriji za ostvarivanje prava na jednokratnu pomoć iz člana 1.ovog Pravilnika su:

- a) Da je žena koja podnosi zahtjev u bračnoj ili vanbračnoj zajednici i da je brak postojao prije početka postupka potpomognute oplodnje, a vanbračna zajednica da traje najmanje tri godine prije početka postupka potpomognute oplodnje;
- b) Da oba partnera imaju prebivalište na području Općine Hadžići najmanje 3 (tri) godine prije podnošenja zahtjeva za ostvarivanje prava;
- c) Da žena može roditi dijete samo u postupku potpomognute oplodnje;

Član 4.

1. Pravo na jednokratnu pomoć može ostvariti žena koja ispunjava kriterije iz člana 3. ovog Pravilnika maksimalno za tri pokušaja.
2. Općina će sufinansirati troškove potpomognute oplodnje u visina iznosa razlike između cijene usluga potpomognute oplodnje i sredstava koje refundira Zavod za zdravstveno osiguranje Kantona Sarajevo:
 - a) Za prvi pokušaj u maksimalnom iznosu do 2.000,00 KM,
 - b) Za drugi i treći pokušaj u maksimalnom iznosu do 1.000,00 KM

Član 5.

Žene koje ispunjavaju kriterije iz ovog Pravilnika prilikom podnošenja zahtjeva za ostvarivanje prava dužne su dostaviti sljedeću dokumentaciju:

- a) Kućna lista;
- b) Prijave prebivališta za oba partnera;
- c) Uvjerenje o kretanju za oba partnera;
- d) Izvod iz matične knjige vjenčanih ili ovjereni izjava oba partnera data pod punom materijalnom i krivičnom odgovornošću o postojanju vanbračne zajednice u smislu odredbe člana 3. Porodičnog zakona FBiH.
- e) Nalaz i dokaz za liječenje nopolodnosti metodama potpomognute oplodnje izdat od nadležne ginekološko-akušerske klinike ili specijaliste ginekologije koji se bavi humanom reprodukcijom u javnoj ili privatnoj zdravstvenoj zaštiti žene KS;
- f) Predračun troškova postupka potpomognute oplodnje izdat od strane zdravstvene ustanove koja provodi tu uslugu;
- g) Kopiju tekućeg računa.

Član 6.

Novčana pomoć će se dodjeljivati na osnovu podnesenog zahtjeva i po redoslijedu primljenih zahtjeva a do utroška obezbjeđenih sredstava u Budžetu za tekuću godinu.

Član 7.

Novčana pomoć dodjeljivati će se putem Službe za privredu, finansije i inspekcijski nadzor uplatom na tekući račun podnosioca zahtjeva.

Član 8.

Ovaj Pravilnik stupa na snagu danom donošenja i bit će objavljen na oglasnoj ploči i web stranici Općine Hadžići, a primjenjivat će se od 01.01.2021.godine.

Broj: 02-11-3-3286/2021.
Hadžići, 26.03.2021. godine

OPĆINSKI NAČELNIK

Hamdo Ejubović, dipl.ing.maš.